

Najib dan Lee (dari kiri) menyaksikan model pembangunan usahasama Malaysia-Singapura di Danga Bay.



# Projek RM8.1 billion

**Kerjasama IWSB, CapitaLand Malaysia, Temasek Holdings pupuk keyakinan pelabur**

Oleh Mary Victoria Dass  
dan Mahaizura Abd Malik  
am@hmetro.com.my

Johor Bahru

Skandar Waterfront Sdn Bhd (IWSB), CapitaLand Malaysia Sdn Bhd dan Temasek Holdings menganjurkan perjanjian membentuk dan membangunkan tanah di Danga Bay (Pulau A2) di sini, semalam bagi pembangunan bersepadu bernilai RM8.1 bilion.

Pada majlis itu, CapitaLand Malaysia diwakili Ketua Eksekutifnya Lim Ming Yan; IWSB diwakili Pengarah Urusannya Tan Sri Lim Kang Hoo manakala Temasek Holdings diwakili Pengarah Urusan Kanan Pelaburannya David Heng.

Lebih bermakna majlis perjanjian pembangunan projek itu disaksikan Perdana Menteri Datuk Seri Najib Razak dan Perdana Menteri Singapura Lee Hsien Loong.

Turut hadir Menteri Besar Datuk Abdul Ghani Othman.

Usaha sama itu bakal



## 'Beri pelbagai faedah'

**Nusajaya:** Dua projek mega Malaysia dan Singapura di Medini Iskandar Malaysia di sini, bukan saja bakal menjadikan sebagai pemangkin ekonomi Wilayah Pembangunan Iskandar Malaysia, malah menunjukkan hubungan erat dua hala antara dua negara berjiran itu.

Perdana Menteri Datuk Seri Najib Razak berkata, projek ikonik Urban Wellness dikenali sebagai Afiniti Medini dan Resort Wellness bukan saja membuktikan kerjasama kedua-dua negara, malah memberi pelbagai faedah kepada rakyat.

"Jalinan ini akan diteruskan dengan menggalakkan pelaburan Singapura di Iskandar Malaysia.

"Iskandar Malaysia mempunyai pelbagai tarikan dan kejayaannya melangkaui perancangan serantau dan saya yakin dengan sokongan kerajaan Singapura dan sektor swasta."

"Kerajaan yakin dengan kejayaan pembangunan Iskandar Malaysia ada lebih banyak lagi kerjasama dari kerajaan Singapura serta sektor swasta amat positif dan menunjukkan komitmen tinggi," katanya.

Terdahulu, Najib dan rakan sejawatnya Lee Hsien Loong menghadiri sidang media bersama selepas merasmikan pembukaan projek Afiniti Medini dan Aviata di Medini, Iskandar Malaysia semalam.

**Iskandar Malaysia mempunyai pelbagai tarikan dan kejayaannya melangkaui perancangan serantau dan saya yakin dengan sokongan kerajaan Singapura dan sektor swasta"**

Najib Razak

membangunkan kawasan seluas 28.5 hektar bersamaan 3.1 juta persegi tanah berbas di Pulau A2 membabitkan kos RM811 juta.

Melalui usaha sama itu, CapitaLand Malaysia, IWSB dan Temasek Holdings masing-masing memegang 51, 40 serta sembilan peratus kepentingan.

Abdul Ghani berkata, usaha sama itu disifatkan sebagai perjanjian mercu tanda yang mampu merangsang pemain serantau utama lain merebut peluang pelaburan di Iskandar Malaysia.

"Usaha sama dengan dua peneraju ekonomi Singapura ini akan memberi keyakinan kepada pelabur lain bahawa pelaburan di Iskandar Malaysia satu peluang yang tidak boleh dilepaskan," katanya.

Sementara itu, Lim berkata, projek itu dijangka bermula awal tahun depan dan dijangka dapat menarik minat ramai pelabur.